

# Bæjarstjórn Snæfellsbæjar

## FUNDARBOÐ – 343. FUNDUR

Fundur er boðaður í bæjarstjórn Snæfellsbæjar, fimmtudaginn 4. mars 2021 og hefst hann í **Ráðhúsi Snæfellsbæjar kl. 16:00.**

### Dagskrá bæjarstjórnarfundarins:

- 1) Fundargerð 320. fundar bæjarráðs Snæfellsbæjar, dags. 17. febrúar 2021.
- 2) Fundargerð 136. fundar hafnarstjórnar Snæfellsbæjar, dags. 1. mars 2021.
- 3) Fundargerð 146. fundar umhverfis- og skipulagsnefndar, dags. 25. febrúar 2021.
- 4) Fundargerð fræðslunefndar, dags. 25. janúar 2021.
- 5) Fundargerð ungmennaráðs, dags. 20. janúar 2021.
- 6) Fundargerðir 186. og 187. fundar Breiðafjarðarnefndar, dags. 7. janúar og 13. janúar 2021.
- 7) Fundargerð 190. fundar félagsmálanefndar Snæfellinga, dags. 2. febrúar 2021.
- 8) Fundargerð 165. fundar Heilbrigðisnefndar Vesturlands, dags. 10. febrúar 2021.
- 9) Fundargerð eigendafundar Sorpurðunar Vesturlands, dags. 1. febrúar 2021.
- 10) Fundargerð framhalds-eigendafundar Sorpurðunar Vesturlands, dags. 22. febrúar 2021.
- 11) Fundargerðir 893. og 894. fundar stjórnar Sambands íslenskra sveitarfélaga, dags. 16. desember 2020 og 29. janúar 2021.
- 12) Fundargerð 431. fundar stjórnar Hafnasambands Íslands, dags. 22. janúar 2021.
- 13) Fundarboð á XXXVI. landsþing Sambands íslenskra sveitarfélaga, dags. 26. mars 2021.
- 14) Aðalfundarboð Samtaka sveitarfélaga á Vesturlandi, dags. 24. mars 2021.
- 15) Bréf frá Soroptimistaklúbbi Snæfellsness, dags. 23. febrúar 2021, varðandi lagfæringar á brú við Hvalsá.
- 16) Bréf frá Sóknarnefnd Ingjaldshólskirkju, dags. 24. febrúar 2021, varðandi malbikunarframkvæmdir við Ingjaldshól sumarið 2021.
- 17) Uppsagnarbréf frá Davíð Viðarssyni, tæknifræðingi, dags. 25. febrúar 2021.
- 18) Uppsagnarbréf frá Ingigerði Stefánsdóttur, leikskólastjóra, dags. 25. febrúar 2021.
- 19) Drög að reglum um skólaakstur í dreifbýli á skólasvæði Grunnskóla Snæfellsbæjar.
- 20) Tillaga minni sveitarfélaga til umhverfis- og samgöngunefndar Alþingis, dags. 16. febrúar 2021.
- 21) Bréf frá Sigurði Á Snævarr, dags. 26. febrúar 2021, varðandi ofgreiðslu staðgreiðslutekna sveitarfélaga, ásamt minnisblaði fjármála- og efnahagsráðuneytisins.
- 22) Bréf frá menningarfulltrúa Vesturlands, dags. 17. febrúar 2021, varðandi menningarstefnu Vesturlands 2021-2025.
- 23) Bréf frá Kvennaathvarfinu, dags. 10. febrúar 2021, varðandi umsókn um rekstrarstyrk árið 2021.
- 24) Bréf frá Þjóðskjalasafni Íslands, dags. 15. febrúar 2021, varðandi eftirlitskönnun með skjalavörslu og skjalastjórn sveitarstjórnarskrifstofa.
- 25) Minnispointar bæjarstjóra.

**Snæfellsbæ, 2. mars 2021**  
**Kristinn Jónasson, bæjarstjóri**

320. fundur bæjarráðs Snæfellsbæjar, haldinn miðvikudaginn 17. febrúar 2021 og hófst hann í Ráðhúsi Snæfellsbæjar kl. 11:00.

**Mættir:**


Júníana Björg Óttarsdóttir  
Rögnvaldur Ólafsson  
Fríða Sveinsdóttir  
Kristinn Jónasson, bærarstjóri  
Lilja Ólafardóttir, bæjarritari

Formaður bæjarráðs setti fund og bauð fundarmenn velkomna á fundinn. Óskaði hún eftir því að fá að taka inn með afbrigðum sem 8. lið bréf frá bæjarritara, dags. 17. febrúar 2021, varðandi afskriftir 2021. Var svo gengið beint til boðaðrar dagskrár.


**Dagskrá:**


- 1) Bréf frá skólastjórnendum á Snæfellsnesi, dags. 1. febrúar 2021, varðandi stuðning við Félags- og skólaþjónustu Snæfellinga.  
Bæjarráð samþykkti að óska eftir minnisblaði frá Félags- og skólaþjónustu Snæfellinga varðandi málið.
- 2) Bréf frá Jónasi Kristjánssyni, dags. 5. febrúar 2021, varðandi forkaupsrétt Snæfellsbæjar að bátnum Sæfinni SH-999, skipaskr.nr. 6214.  
Bæjarráð samþykkti samhljóða að falla frá forkaupsrétti að bátnum Sæfinni SH-999.
- 3) Bréf frá Guðrúnu Kristinsdóttur, dags. 3. febrúar 2021, varðandi úrsögn úr félagsmálanefnd Snæfellinga.  
Bæjarráð samþykkti erindið samhljóða og þakkar jafnframt Guðrún setu hennar í nefndinni.  
Nýr nefndarmaður verður skipaður á fundi bæjarstjórnar í byrjun mars.
- 4) Bréf frá Ásbirni Óttarssyni, dags. 10. febrúar 2021, varðandi úrsögn úr stjórn Jaðars.  
Bæjarráð samþykkti erindið samhljóða og þakkar jafnframt Ásbirni vinnu hans í þágu Snæfellsbæjar.  
Nýr nefndarmaður verður skipaður á fundi bæjarstjórnar í byrjun mars.
- 5) Bréf frá Lánasjóði sveitarfélaga, dags. 8. febrúar 2021, varðandi tilnefningu í stjórn LS.  
Lagt fram til kynningar.
- 6) Bréf frá Breiðafjarðarnefnd, dags. 1. febrúar 2021, varðandi samantekt nefndarinnar um framtíð Breiðafjarðar.  
Lagt fram til kynningar.
- 7) Bréf frá Heilbrigðiseftirliti Vesturlands, dags. 12. febrúar 2021, varðandi upplýsingar um fráveitumál.  
Bæjarstjóri er þegar búinn að svara þessu erindi í tölvupósti og kynnti svarið fyrir bæjarfulltrúum.
- 8) Bréf frá bæjarritara, dags. 17. febrúar 2021, varðandi ósk um afskriftir. Sjá trúnaðarmálabók.  
Bæjarráð samþykkti samhljóða að afskrifa kröfur að upphæð kr. 889.837.- skv. framlögðum upplýsingum.
- 9) Minnispunktar bæjarstjóra.
  - a) bæjarstjóri fór yfir staðgreiðslu ársins 2020.


Fleira ekki gert og fundi slitið kl. 11:45


  
Júníana Björg Óttarsdóttir


F.S.



  
Rögnvaldur Ólafsson

  
Friða Sveinsdóttir

  
Kristinn Jónasson, bærarstjóri

  
Lilja Ólafardóttir, bæraritari

136. fundur hafnarstjórnar Snæfellsbæjar haldinn mánudaginn 01.03. 2021, kl. 20.30 í Félagsheimilinu Klifi Ólafsvík.

Mættir: Jón Bjarki Jónatansson formaður,  
Heiðar Magnússon,  
Pétur Pétursson,  
Sæunn Dögg Baldursdóttir,  
Hallgrímur Á. Ottósson,  
Björn Arnaldsson hafnarstjóri.

Formaður setti fundinn.

1. Bréf frá bæjarritara dags. 15.12. 2020 og 19.01. 2021, varðandi samþykkt bæjarstjórnar á fundargerðum 134. og 135. funda hafnarstjórnar. Lagt fram til kynningar.
2. Bréf frá Umhverfisstofnun dags. 18.12. 2020, varðandi samþykkt stofnunarinnar á viðbragðsáætlunum Hafna Snæfellsbæjar fyrir árið 2020. Lagt fram til kynningar.
3. Fundargerð 42. Hafnasambandsþings dags. 27.11. 2020. Lagt fram til kynningar.
4. Fundargerðir stjórnar Hafnasambands Íslands nr. 429 dags. 26.11., nr. 430 dags. 11.12. 2020 og nr. 431 dags. 22.01. 2021. Lagt fram til kynningar.
5. Viðbragðsáætlanir Hafna Snæfellsbæjar fyrir árið 2021. Hafnarstjóri kynnti viðbragðsáætlanir fyrir Ólafsvíkurhöfn, Rifshöfn og Arnarstapahöfn en þær eru unnar í samræmi við reglugerð nr. 1010/2012, um viðbrögð við bráðamengun hafs og stranda. Áætlanirnar samþykktar samhljóða.
6. Áætlun um móttöku og meðhöndlun úrgangs og farmleifa frá skipum hjá Höfnum Snæfellsbæjar. Hafnarstjóri kynnti áætlunina en hún er unnin í samræmi við reglugerð nr. 1200/2014 um móttöku og meðhöndlun úrgangs og farmleifa frá skipum og reglugerð nr. 1201/2014 um gjaldtöku í höfnum vegna losunar, móttöku, meðhöndlunar og förgunar úrgangs og farmleifa frá skipum. Áætlunin samþykkt samhljóða.
7. Endurbygging Norðurtangabryggju í Ólafsvíkurhöfn. Hafnarstjóri sagði frá því að útboð vegna reksturs á nýju stálþili hafi verið auglýst þann 13.02. s.l. og verði opnað þann 02.03. 2021.
8. Hafnarstjóri ræddi almennt um hafnarstjórnarfundi og þau fundargögn sem lögð eru fram á fundum hafnarstjórnar. Samþykkt samhljóða að framvegis verði fundir hafnarstjórnar pappírslausir.

Fleira ekki gert og fundi slitið kl. 21.15

Fundargerð ritaði: Björn Arnaldsson hafnarstjóri.

Jón Bjarki Jónatansson formaður.  
Heiðar Magnússon.  
Hallgrímur Á. Ottósson.  
Sæunn Dögg Baldursdóttir.  
Pétur Pétursson.  
Björn Arnaldsson hafnarstjóri.

# UMHVERFIS- OG SKIPULAGNEFND SNÆFELLSBÆJAR

Umhverfis- og skipulagsnefnd - BN. 146BN. 146. fundur umhverfis- og skipulagsnefndar  
haldinn í Ráðhúsi Snæfellsbæjar, 25. febrúar 2021  
og hófst hann kl. 09:30.

## Fundinn sátu:

Drífa Skúladóttir, Halldór Kristinsson, Illugi Jens Jónasson, Davíð Viðarsson, Magnús Eiríksson, Kristjana Hermannsdóttir, Valgerður Hlín Krstmannsdótti og Svanur Tómasson.

**Fundargerð ritaði:** Valgerður Hlín Krstmannsdóttir, Aðstoðarmaður byggingarfulltrúa.

## Dagskrá:

### 1. Letisund A-3\_Umsókn um lóð fyrir steypustöð - 2102004

Friðrik Tryggvason sækir um byggingarlóð að Letisundi A-3 þar sem hann hyggst byggja steypustöð. Henti önnur lóð betur tekur hann á móti tillögum frá nefndinni.

*Umhverfis- og skipulagsnefnd tekur jákvætt í erindið. Í aðalskipulagi Snæfellsbæjar 2015-2031 eru skilgreind ný iðnarsvæði í gryffum ofan við Rif. Í aðalskipulagi segir; Svæðið er lítt áberandi og hentar því vel fyrir grófari iðnað. Þar er m.a. gert ráð fyrir starfsemi steypustöðvar og flokkunarstöð, enda fer slík starfsemi ágætlega saman. Skipulags- og byggingarfulltrúa, ásamt skipulagsfræðingi og formanni nefndarinnar eru falið að koma með tillögu að mögulegum staðsetningum fyrir næsta fund.*

*Jákvætt*

### 2. DSK\_Brekkan - Deiliskipulagsbreyting - 2102011

Núverandi breyting deiliskipulags Brekkunnar í Ólafsvík felst í því að lóðum fyrir einbýlishús neðan gróðubeltis er fækkað, viðbyggingarreitum er breytt og á tveimur endalóðum er aðal byggingarreit hliðrað. Neðsta botnlangagata er felld að framkvæmd götu og lóð nr. 9-11 við Miðbrekku er breytt lítillega, en þar verði heimilt að reisa parhús eða slá lóðum saman og reisa einbýlishús. Meginbreytingin er að á neðri hluta svæðisins verður nú heimilt að hafa hús á einni hæð, stölluð eða kjallara og efri hæð, þannig að þau verði felld sem best að mismunandi landhalla.

*Umhverfis- og skipulagsnefnd frestar erindinu og vill skoða það að fækka lóðum á svæðinu og endurskoða skipulagið.*

*Frestað*

### 3. Fróðárheiði\_Vegagerðin sækir um stofnun lands undir vegstæði úr landi Klettakots og Fornu Fróðá - 2102008

Direkta lögfræðipjónustan sækir um fyrir hönd Vegagerðarinnar um stofnun vegsvæðis úr landi Klettakots og Fornu Fróðá.

*Umhverfis- og skipulagsnefnd samþykkir erindið.*

777

M.H

ST  
1  
ME

# UMHVERFIS- OG SKIPULAGNEFND SNÆFELLSBÆJAR

*Samþykkt*

## 4. Skálholt 9\_Umsókn um byggingarleyfi - 2012003

Ingólfur Ingvarsson sækir fyrir hönd Ingvars Ingólfssonar um byggingarleyfi fyrir endurnýjun húss að Skálholti 9 með breytingum á gluggum, samanber meðfylgjandi teikningar.

Einnig er sótt um leyfi til að byggja bílskúr neðst í lóðinni og opið skýli efst í lóðinni, sjá meðfylgjandi teikningar.

*Umhverfis- og skipulagsnefnd samþykkir byggingarleyfi fyrir endurnýjun húss og breytingu á gluggum með fyrirvara um grenndarkynningu. Nefndin felur byggingarfulltrúa að skoða staðsetningu bílskúrs og lóðarmörk með eiganda.*

*Samþykkt*

## 5. Háarif 6\_Umsókn um byggingarleyfi - 2102010

Hildigunnur Haraldsdóttir sækir um byggingarleyfi fyrir því að innrétta litla íbúð innan olfútanksins á lóð sinni að Háarifi 6 ásamt því að einangra hann að utan. Byggingin er stáltankur sem verður kápa fyrir litla íbúð á 2. hæð. Á jarðhæð tanksins verður lítil geymsla og síðar gert ráð fyrir að nota jarðhæðina sem vinnu- og sýningarsvæði listamanna.

*Umhverfis- og skipulagsnefnd frestar erindinu og felur byggingarfulltrúa að senda erindi til brunasviðs Húsnæðis- og mannvirkjastofnunar eða til annarra sambærilegra aðila.*

*Slökkviliðsstjóri bendir á að vöntun er að aðgengi að slökkvivatni á norðvesturhluta Rífs, Háarif 1-15. Bæta þarf úr því sem fyrst.*

*Frestað*

## 6. Bárðarás 19 - Umsókn um byggingarleyfi fyrir gróðurhús - 2102009

Drífa Skúladóttir sækir um leyfi fyrir 9 fm gróðurhúsi á aftanverðri lóð sinni að Bárðarási 19. Gróðurhúsið er úr gleri og áli. Sjá staðsetningu á meðfylgjandi loftmynd.

*Drífa vikur af fundi.*

*Umhverfis- og skipulagsnefnd samþykkir erindið.*

*Drífa kemur inn.*

*Samþykkt*

## 7. Norðurtangi 3\_Umsókn um byggingarleyfi vegna varmadælu - 2101011

Orri Freyr Magnússon sækir um leyfir fyrir því að setja varmadælu á norðurhlið eignarhlutar síns að Norðurtanga 3.

*Umhverfis- og skipulagsnefnd samþykkir erindið.*

*Samþykkt*

## 8. Grundarbraut 6\_Umsókn um gluggaskipti - 2102003

Kristján G Guðmundsson sækir um byggingarleyfi fyrir gluggaskiptum að Grundarbraut 6. Um er að ræða sjö glugga, þar af eru fjórir gluggar með lausafagi. Mál eldri glugga eru 100x100 cm og lausafaga 30x30 cm. Nýjir gluggar yrðu 100x100

777

M.K.  
M.E.

## UMHVERFIS- OG SKIPULAGNEFND SNÆFELLSBÆJAR

cm með B40xH50 cm lausafagi.

Undirritaður sækir þá um undanþágu frá reglugerð um brunavarnir hvað varðar flóttaleið um glugga í tveimur herbergjum sökum þess hve stutt er í útgönguleið. Fjarlægð frá útihurð að herbergjum er 1.12 m og 1.45 sbr. meðfylgjandi teikningu. Þá er einnig lúga í kjallara sem er útgengt. Fjarlægð lúgu er til viðbótar fyrri málum 2 m.

*Umhverfis- og skipulagsnefnd hafnar erindinu og bendir á að uppfylla þarf kröfur um björgunarop samkvæmt reglugerð. Byggingarfulltrúa er falið að benda eiganda á mögulegar útfærslur.*

*Hafnað*

### 9. Vallholt 11\_Umsókn um byggingarleyfi fyrir breytingum á húsi - 2102007

Sigrún Ólafsdóttir sækir um byggingarleyfi vegna breytinga á húsnæði sínu að Vallholti 11. Skipta á um glugga í húsinu og bæta við nýjum glugga á norðurhlíð húss. Einnig verður gerð breyting á svalahurð að vestanverðu þar sem gönguhurð og glugga verður skipt út fyrir eitt gluggastykki með renndri hurð. Samhliða þessum breytingum verða gerðar breytingar á votrymi og burðarveggjum.

Tilkynnt er um ca 17 fm viðbyggingu við húsið að sunnanverðu skv. meðfylgjandi teikningu.

*Illugi viku af fundi.*

*Umhverfis- og skipulagsnefnd samþykkir erindið.*

*Illugi kemur aftur inn.*

*Samþykkt*

### 10. Fellaslóð 4\_Birkisól ehf sækir um stöðuleyfi fyrir matvagn - 2102006

Helga Birkisdóttir sækir um fyrir hönd Birkisól ehf um stöðuleyfi fyrir söluvagn að Fellaslóð 4 á Arnarstapa sumarið 2021.

*Umhverfis- og skipulagsnefnd samþykkir erindið.*

*Samþykkt*

### 11. Umsókn um stöðuleyfi á geymslusvæði - 2102001

Útnes ehf. óskar eftir stöðuleyfi fyrir gám á gámasvæði Snæfellsbæjar í grjótnámu við Ríf.

*Umhverfis- og skipulagsnefnd samþykkir erindið.*

*Samþykkt*

### 12. Ólafsbraut 82\_Umsókn um stöðuleyfi - 2101013

Rarik Ólafsvík sækir um stöðuleyfi fyrir gám við húsnæði Rariks að Ólafsbraut 82. Gámur er notaður fyrir efni sem þarf að vera innandyra.

*Umhverfis- og skipulagsnefnd samþykkir erindið og bendir á að stöðuleyfi er tímabundin lausn. Nefndin hvetur til að varanlegri lausn verði fundin.*

*Samþykkt*

### 13. Gröf\_Fyrirspurn vegna byggingar frístundahúss - 2101007

Undanþága frá veghelgunarlínu Vegagerðarinnar vegna nýbyggingar að Gröf, Breiðuvík. Staða málsins kynnt.

777

M.K

M.S

## UMHVERFIS- OG SKIPULAGNEFND SNÆFELLSBÆJAR

Erindi kynnt.

Kynnt

### 14. Ennisbraut 23\_Fyrirspurn vegna gáms - 2101012

Roman Stanski óskar eftir því að staðsetja gám á lóð sinni að Ennisbraut 23, sjá staðsetningu á meðfylgjandi mynd. Gámurinn verður klæddur og skráður og mun þjóna hlutverki geymslu.

*Umhverfis- og skipulagsnefnd hafnar erindinu og hvetur eiganda til að finna aðrar lausnir.*

*Hafnað*

### 15. Ennisbraut\_Samþykki fyrir gagnvirkri hraðahindrun - 2102012

Vegagerðin óskar eftir því að Snæfellsbær heimili uppsetningu tilraunaverkefnis á Ennisbraut, Ólafsvík. Tilraunin felst í því að athuga virkni og árangur gagnvirkrar hraðahindrunar. Eftir eitt ár mun ákvörðun vera tekin um framhaldið en hún mun byggjast á reynslu og árangri þessarar nýju gerðar hraðahindrunar.

*Umhverfis- og skipulagsnefnd samþykkir erindið. Óskað er eftir því að fundað verði sem fyrst með Vegagerðinni og farið í vettvangsferð og staðsetning endanlega ákveðin.*

*Samþykkt*

### 16. Önnur mál - Umhverfis- og skipulagsnefnd 2021 - 2101004

- Útfærsla á frárennislögn við Olíutanka í Ólafsvík  
Byggingarfulltrúi sagði frá lausn frárennslis

- Kærur vegna stöðuleyfa og Kólumbusarbryggju  
Byggingarfulltrúi sagði frá stöðu mál

- Umsókn um stöðuleyfi fyrir matarvagn á Arnarstapa frá Filip Procházka.  
Kynnt.

- Slökkviliðsstjóri fer fram á að brunahani verði settur við Ólafsbraut 62-64 og skoðað verði aðgengi að slökkvivatni inni í Fossárdal.

Kynnt

Fleira ekki gert. Fundi slitið kl. 11:30.

*Sósn Tómasson*  
*Hildur K. Linn*  
*Ólafur Einarsson*  
*Filippur Jónsson*  
*Kristján Árnason*  
*Ólafur*

*H.K.*  
*SL*  
4



## Fundargerð Skóla-og fræðslunefndar

Fundur 25.jan 2021 í Ráðhúsi Snæfellsbæjar kl 20:00.

Mættir: Kristín Helga, Ari Bent, Monika, Kristgeir, Tobba, Hilmar og Sigrún Erla.

Ritari: Sigrún Erla Sveinsdóttir

### **Hilmar (GSNB):**

Starfsemin hefur gengið vel á covid tíma.

Hilmar leggur fram kynningu á núverandi skólareglum. Hann óskar eftir ábendingum frá nefndinni. Nýtt námsmat lagt fram til kynningar. Foreldrar og nemendur geta fylgst með því inni á Mentor.

Samtalsdagur 5.feb verður í rafrænu formi eins og í haust.

Það lítur út fyrir fækkun á nemendum á næsta skólaári.

Skóladagatal 2021-2022: Hilmar óskar eftir að fá athugasemdir frá öllum hópum skólans til að koma til móts við sem flesta. Það helsta er vetrarfrið. Hilmar óskar eftir ábendingum frá nefndinni.

### **Inga og Auður (Leikskólinn) mæta kl 20:30:**

Loksins komið að því að foreldrar megi koma inn á leikskólann til að koma með börnin og sækja þau. Sálfræðingur og talmeinafræðingur fá að koma inn auk foreldra barna í aðlögun. Annars eru heimsóknir ekki leyfðar.

Verið er að uppfæra reglur um leikskólavist en núverandi reglur eru síðan 2004. Ýmislegt búið að breytast. Nefndin mun lesa yfir þær fyrir næsta fund.

Það er margt sem kallar á viðhald á starfstöðum leikskólans.

Það hefur fækkað börnum. Inga leggur til að eftir um ár þarf að setjast niður og ræða framtíð starfsstöðvanna, m.t.t. fjölda leikskólabarna.

Umræða um styttingu vinnuvikunnar. Það þarf að breyta fyrirkomulaginu hjá leikskólanum, finna aðrar leiðir svo það komi sem best út fyrir bæði starfsmenn og leikskólann.

### **Valentína (Tónlistarskólinn) kemur um kl 21:**

Gengur vel. 80 nemendur nú, nokkrir á biðlista. Svipað og fyrri ár. Skólinn ætlar að taka þátt í Nótunni (uppskeruhátíð) með öðruvísi sniði en hver og einn skóli fær að skila inn upptöku upp á 2-4 mínútur. Kennslan er áfram óbreytt. Tónfundir og vortónleikar verða ef hægt verður m.t.t. covid.

Fundi slitið 21:30.

Fundur 20. Janúar 2021

Mæting: Minela, Björg Eva, Laufey Helga

Umræðuefni:

- Valið formann og ritara (Minela og Margret)
- Rætt var erindisblað
- Áhugi til þess að funda við bæjarstjórn og kynna málefni og okkar plön
- Páskabingó? Rafrænt?
- Fá íþróttahúsið fyrir krakka og unglunga og hafa t.d sokkabolta eða körfubolta, halda kanski upp á smá mót allt að 20 manns.
- Sumarið í tröð, þar sem að það gekk ekki upp sumarið 2020
- Fyrirlestrar í grunnskóla
- Hafa fund fljótlega þar sem að mætingin var ekki góð



**186. fundur Breiðafjarðarnefndar, haldinn 7. janúar 2021, á Teams**

**Mætt:** Erla Friðriksdóttir formaður, Guðríður Þorvarðardóttir, Ragnhildur Sigurðardóttir, Arnheiður Jónsdóttir, Róbert Arnar Stefánsson, Eyjólfur Bjarnason og Karl Kristjánsson.

*Fundarritari:* Theódóra Matthíasdóttir (TM)

Formaður setti fund kl. 10:30.

**Framtíð Breiðafjarðar – innsendar umsagnir**

Samantekt nefndarinnar varðandi framtíð Breiðafjarðar, ásamt drögum að tillögum hennar til ráðherra voru sendar sveitarstjórnnum við fjórðinn til formlegrar umsagnar þann 23. nóvember 2020. Hún var auk þess birt á heimasíðu nefndarinnar og íbúum þannig gefinn kostur á að koma á framfæri athugasemdum í gegnum tölvupóst. Umsagnarfrestur var gefinn til 18. desember en þeim umsögnum sem berast nefndinni fram að lokaútgáfu samantektarinnar verður þó haldið til haga.

Umsagnir hafa borist frá öllum sveitarfélögum sem að firðinum liggja. Auk þess bárust fjörutíu umsagnir frá íbúum, landeigendum, ýmsum hagsmunaaðilum sem nýta hlunnindi fjarðarins og öðrum sem létu sig málið varða.

Breiðafjarðarnefnd ítrekar að samtalið um framtíð Breiðafjarðar er rétt að hefjast. Breiðafjarðarnefnd telur því mikilvægt að næstu skref í mótun framtíðar Breiðafjarðar feli í sér vel útfærða fræðslu og ítarlegt samráð um málið svo að skoðanir og afstaða byggi á réttum forsendum.

**Afgreiðsla:**

Breiðafjarðarnefnd þakkar þeim sem sendu umsagnir og athugasemdir við samantekt nefndarinnar. Samþykkt að taka saman helstu niðurstöður umsagnanna og birta þær í lokaskýrslu nefndarinnar, sem afhent verður ráðherra í janúar.

**Næsti fundur:**

Þriðjudagur 13. janúar kl. 10:30.

**Fundi slitið kl. 11:50**



**187. fundur Breiðafjarðarnefndar, haldinn 13. janúar 2021, á Teams**

**Mætt:** Erla Friðriksdóttir formaður, Guðríður Þorvarðardóttir (mætti kl. 11:20), Ragnhildur Sigurðardóttir, Arnheiður Jónsdóttir, Róbert Arnar Stefánsson, Eyjólfur Bjarnason, Karl Kristjánsson og Magnús A. Sigurðsson (yfirgaf fundinn kl. 11:15).

*Fundarritari:* Theódóra Matthíasdóttir (TM)

Formaður setti fund kl. 10:30.

**Fundargerð 184. fundar**

**Afgreiðsla:**

Fundargerð lesin upp og samþykkt.

**Fundargerð 185. fundar**

**Afgreiðsla:**

Fundargerð lesin upp og samþykkt.

**Erindi frá umhverfis- og auðlindaráðuneyti, forkaupsréttur vegna Svefneyja – ósk um umsögn.**

**Afgreiðsla:**

Breiðafjarðarnefnd hefur farið yfir erindið og álitur að ekki sé þörf á því að ríkissjóður beiti forkaupsrétti.

**Framtíð Breiðafjarðar – samantekt um framtíð Breiðafjarðar.**

Drög að samantekt og niðurstöðum Breiðafjarðarnefndar um framtíð Breiðafjarðar lögð fram.

**Afgreiðsla:**

Samþykkt að fela ritara að gera breytingar í samræmi við umræður á fundinum.

Samþykkt að senda samantektina rafrænt til umhverfis- og auðlindaráðherra og birta á heimasíðu Breiðafjarðarnefndar.

**Önnur mál.**

Engin önnur mál.

**Fundi slitið kt. 12:10**



## Fundargerð 190. fundar félagsmálanefndar Snæfellinga

Opinber útgáfa!

**Fundarstaður;** Fundarstaður: „Teams-fjarfundarbúnaður“  
**Dagsetning;** Þriðjudagur 2. febrúar, 2021 kl. 16.30

**Mættir:** Eygló Bára Jónsdóttir, Sigrún Þórðardóttir, Guðrún Kristinsdóttir, Ragnheiður Harpa Sveinsdóttir, Birta Antonsdóttir, formaður, Ingveldur Eyþórsdóttir, yfirfélagsráðgjafi FSS og Sveinn Þór Elinbergsson, forstöðumaður FSS.

### Dagskrá:

### Meðferð máls

1. Birta Antonsdóttir, formaður, setur fund og stýrir.
2. **Málefni, skv. lögum um barnavernd** *kynning – umræða – afgreiðsla*  
*(...fært í trúnaðarbók félagsmálanefndar)*
3. **Málefni, skv. lögum um félagsþjónustu sveitarfélaga** *kynning – umræða – afgreiðsla*  
Jón Haukur Hilmarsson, þroskaþjálfari, hóf þann 1. ágúst sl. starf sem ráðgjafarþroskaþjálfari grunn- og leikskóla, ennfremur sem fagstjóri þjónustupátta fatlaðs fólks.  
Þórheiður Elín Sigurðardóttir, þroskaþjálfari, hefur verið ráðin í starf forstöðumanns Smiðjunnar frá og með 1. mars n.k., í stað Gunnsteins Sigurðssonar sem lét af starfi þann 1. des sl.
4. **Málefni, skv. lögum og reglugerð um sérfræðiþjónustu við leik- og grunnskóla**
  - a) Hrönn Baldursdóttir hefur verið ráðin í 20% stg. náms- og starfsráðgjafa grunnskólannatil loka yfirstandandi skólaárs.
  - a) Forstöðumaður og yfirfélagsráðgjafi FSS kynntu og gerðu grein fyrir skólaþjónustupáttum FSS og svöruðu fyrirspurnum þ.a.l. á vinnufundi hreppsnefndar Eyja- og Miklaholtshrepps og skólalæra Laugargerðisskóla í félagsheimilinu Breiðabliki þriðjudaginn 26. janúar sl.
5. **Önnur mál** *kynning – umræða*
  - a) Brynja Mjöll Ólafsdóttir, ráðgjafi félagsþjónustu og stuðningsþjónustu sveitarfélaganna, er fulltrúi FSS í vinnuhópi Samtaka sveitarfélaga á Vesturlandi er fjallar um bættari þjónustu við eldri íbúa Vesturlands.
  - b) Þjónusturáðs Vesturlands í málefnum fatlaðs fólks hefur hlotið styrkveitingu Jöfnunarsjóðs til að efna til sameiginlegrar starfsefningar starfsfólks þjónustupátta fatlaðs fólks á Vesturlandi
  - c) 112 dagurinn í næstu viku er tileinkaður barnaverndarstarfi.

Fleira ekki gert og fundið slitið kl. 18.10 / fundarritari SPE



**165. fundur Heilbrigðisnefndar Vesturlands**  
Fjarfundur í Teams kl. 16:00 miðvikudaginn 10. febrúar 2021

## Fundargerð

Á fundinum voru:

Karitas Jónsdóttir (KJ)  
Auður Kjartansdóttir (AK)  
Brynja Þorbjörnsdóttir (BP)  
Steinunn I. Magnúsdóttir (SIM)  
Silja Eyrún Steingrímsdóttir (SES)  
Ragnildur Sigurðardóttir (RS)  
Trausti Gylfason (TG)

Einnig sátu fundinn starfsmenn heilbrigðiseftirlitsins Ása Hólmarsdóttir og Þorsteinn Narfason framkvæmdastjóri sem ritaði fundargerð.

### 1. Kæra til lögreglu vegna brennu í Helgafellssveit

Lögð fram kæra Heilbrigðiseftirlits Vesturlands til Lögreglunnar á Vesturlandi dagsett 25. janúar 2021 þar sem kærð er brennsla á úrgangi í landi Hóla í Helgafellssveit.

### 2. Umsagnir

#### Umsagnir til sýslumanns

#### 2.1 Rekstrarleyfi veitingastaða

- Sylvanine Anton-Scharapenko, Klettsbúð 3, Rifi, RAM veitingastaður. Nýtt leyfi. Jákvæð umsögn.
- Grjótið Bistro-Bar ehf, Kirkjubraut 8-10, Akranesi. Nýtt rekstrarleyfi fyrir skemmtistað, kaffihús og veitingastofu. Jákvæð umsögn.
- SS-veitingar ehf, Narfeyrarstofa. Aðalgötu 3, Stykkishólmi. Endurnýjað rekstrarleyfi. Jákvæð umsögn.
- Heilsusköpun ehf. Laugar Sælingsdal, Dalabyggð. Nýtt rekstrarleyfi fyrir gististað með veitingum. Jákvæð umsögn.

*Lagt fram*

#### 2.2 Rekstrarleyfi gististaða

- Kría Services sf, Kveldúlfsgata 27, Borgarnesi. Jákvæð umsögn HeV (ath. Borgarbyggð gaf neikvæða umsögn vegna skipulagsmála.)
- Heilsusköpun ehf. Laugar Sælingsdal, Dalabyggð. Nýtt rekstrarleyfi fyrir gististað með veitingum. Jákvæð umsögn.

*Lagt fram*

## Umsagnir til sveitarfélaga

### 2.3 Samþykkt um meðhöndlun úrgangs í Dalabyggð.

Lögð fram drög að samþykkt um meðhöndlun úrgangs í Dalabyggð með athugasemdum frá Umhverfis- og auðlindaráðuneyti.

*Málinu frestað til næsta fundar.*

### 2.4 Umsagnir um skipulagsmál:

#### Borgarbyggð

- a. Deiliskipulag í landi Eskiholts 2, frístundabyggð.
- b. Aðalskipulagsbreyting í landi Ytri Skeljabrekku, frístundabyggð, íbúðasvæði.
- c. Deiliskipulagsbreyting í landi Ytri Skeljabrekku, frístundabyggð, íbúðasvæði.

#### Eyja- og Miklaholtshreppur

- d. Deiliskipulagsbreyting fyrir Miðhraun 2.
- e. Deiliskipulagsbreyting fyrir Stóra Krók (Miðhraun 2).
- f. Deiliskipulagsbreyting Laugagerði.

#### Hvalfjarðarsveit:

- g. Deiliskipulag fyrir ferðaþjónustusvæði í landi Móa.
- h. Deiliskipulagsbreyting á vestursvæði Grundartangahafnar.

*Lagt fram*

### 3. Sementslysið á Akranesi 5. janúar 2021

Lögð fram skýrsla Umhverfisstofnunar dagsett 20. janúar 2021 ásamt bréfi stofnunarinnar til Sementsverksmiðjunnar dagsett 27. janúar 2021.

Lagður fram tölvupóstur frá Umhverfisstofnun þar sem fram kemur að stofnunin er að kanna hvort atburðurinn teljist umhverfistjón í skilningi 3. gr. laga nr. 55/2012 um umhverfisábyrgð.

*Málið var kynnt.*

### 4. Fráveitumál

#### 4.1 Stöðuskýrsla Umhverfisstofnunar 2018 um fráveitumál var lögð fram og kynnt.

*Heilbrigðisnefnd felur framkvæmdastjóra að kalla eftir upplýsingum frá þeim sveitarfélögum þar sem engin hreinun er á fráveitu hvort fyrir liggja áætlun um úrbætur.*

#### 4.2 Lagðar voru fram tvær skýrslur Veitna ohf. – Sýnataka og mælingar skólps. Árleg yfirlitsskýrsla um skólphreinsistöðvar annars vegar fyrir Borgarbyggð utan Borgarness og hins vegar fyrir Akranes, Borgarnes og Kjalarnes fyrir árið 2020.

#### 4.3 Erindi vegna hreinstöðvar á Akranesi.

Lagt fram tölvubréf Gissurar Þórs Ágústssonar sérfræðingi hjá Veitum ohf. dagsett 2. febrúar 2021 þar sem Veitur óska eftir samþykki Heilbrigðiseftirlitsins fyrir að sandhreinsibúnaður verði tekinn úr rekstri í hreinsstöðvum Veitna vegna vandræða í rekstri á þeim en aftur á móti verði sandur hreinsaður upp úr einingunum með hreinsibíl og sandurinn verði eftir sem áður vigtaður og honum fargað í Fíflholti.

Heilbrigðiseftirlitið gaf jákvætt svar með tölvubréfi þann 2. febrúar 2021

## 5. Leyfi

### Starfsleyfi- útgæfin af heilbrigðiseftirlitinu

5.1 Lífland ehf. sækir um starfsleyfi fyrir hveitimyllu á Grundartanga með umsókn Rannveigar Hrólfsdóttur dagsett 7. febrúar 2020, með umsókn fylgdi flæðirit af verksmiðju ásamt hættugreiningu Kornax Grundartanga.

Málið hefur verið áður á dagskrá á fundum nefndarinnar þar sem óskað var eftir frekari gögnum.

Fyrir liggur umsögn skipulagnefndar Hvalfjarðarsveitar dagsett 3. nóvember 2020 ásamt umsögn Faxaflóahafna um lóðaumsókn dagsett 17. desember 2020.

*Heilbrigðisnefnd telur að ekki sé unnt að afgreiða starfsleyfi fyrir hveitimyllu á Grundartanga þar sem starfsemin samræmist ekki kröfum sem gerðar eru til matvælaframleiðslu með vísun til 24. gr. reglugerðar nr. 852/2004 um hollustuhætti þar sem segir að hæfileg fjarlægð skuli vera milli mannbústaða og matvælafyrirtækja annars vegar og mengandi atvinnustarfsemi hins vegar. Þar sem starfsemin er innan þynningarsvæðis stóriðju sé fjarlægðin ekki ásættanlegt m.t.t. matvælaöryggis. Jafnframt er vísað til 2. gr. b í reglugerð nr. 506/2010 um breytingu á reglugerð nr. 103/2010 um gildistöku reglugerðar Evrópuþingsins og ráðsins (EB) nr. 852/2004 um hollustuhætti er varða matvæli, þar sem kemur fram að matvælafyrirtæki skulu ekki staðsett nálægt atvinnurekstri sem getur haft mengandi áhrif á starfsemina.*

- 5.2 Sylvanine Anton-Scharapenko, Klettsbúð 3, Hellissandi, RAM veitingastaður. Nýtt leyfi. Gildistími 12 ár.
- 5.3 Gunnar Tryggvason, Brimhestar, Brimilsvöllum, Snæfellsbær. Endurnýjað leyfi fyrir gististað. Gildistími 12 ár.
- 5.4 Friðborg ehf., Hamraendum 3, Stykkishólmi. Drög að leyfi auglýst á heimasíðu HeV 13. nóvember til 11. desember 2020. Engar athugasemdir bárust. Endurnýjað leyfi fyrir harðfiskverkun. Gildistími 12 ár.
- 5.5 Grjótið Bistro-Bar ehf, Kirkjubraut 8-10, Akranesi. Nýtt rekstrarleyfi fyrir skemmtistað, kaffihús og veitingastofu ofl. Gildistími 12 ár.
- 5.6 Skeljungur hf, Húsafelli, Borgarbyggð. Drög að leyfi fyrir afgreiðslu eldneytis, auglýst á heimasíðu HeV 17. nóvember til 18. desember 2020. Engar athugasemdir bárust. Gildistími til 12 ára.
- 5.7 Stjarnan ehf. Subway, Dalbraut 1, Akranesi. Endurnýjað leyfi fyrir veitingastofu/verslun. Gildistími 12 ár.
- 5.8 Skeljungur hf, Smiðjuvöllum 22, Akranesi. Drög að leyfi fyrir afgreiðslu eldneytis, auglýst á heimasíðu HeV 17. nóvember til 16. desember 2020. Engar athugasemdir bárust. Gildistími til 12 ára.
- 5.9 N1 ehf, Ólafsbraut 57, Ólafsvík. Drög að leyfi fyrir afgreiðslu eldneytis, auglýst á heimasíðu HeV 18. nóvember til 18. desember 2020. Engar athugasemdir bárust. Gildistími til 12 ára.
- 5.10 Borgarbyggð, Leikskólinn Hnoðraból, Kleppjárnsreykjum. Nýtt leyfi á nýjum stað. Gildistími 12 ár.
- 5.11 Stök ehf, Hárhús Kötlu Stillholt 14, Akranesi. Endurnýjað leyfi fyrir hárgreiðslustofu. Gildistími 12 ár.
- 5.12 Olíuverslun Íslands, Arnarstapa, Snæfellsbæ. Drög að leyfi fyrir afgreiðslu eldneytis auglýst á heimasíðu HeV 19. nóvember til 19. desember 2020. Engar athugasemdir bárust. Gildistími til 12 ára.